

SAN MARTIN Y LUNGIARÜ

Dis de preparaziun al maridé: Sabeda y domènia, 7 y 8 d'aurí 2018, vègnel metü a jí dui dis de preparaziun al maridé tl Zënter dla Jonèza SaJ.un a La Ila. Le curs mèt man la sabeda, dales 9.00, y se ròia la domènia, dales 16.00. Le cost é de 150 euro por per (curs + 2 iadi marèna). Le curs é por ladin aldefora dl referat talian y todèsch dla dr.a Gaia Mureda. Al pó tò pert al plü 18 pers. Iscriziun tl Sorvisc ai Jogn cina la jöbia, ai 29 de merz. I referènc é Lois Kastlunger (coordinadú), Christian Pedevilla (avocat), Mureda Gaia (efom y consulènta) y siur Tone Fiung (assistènt spiritual dles families).

SAN MARTIN

I orun s'arjigné ca ala festa de Sant Ujöp Freinademetz, che é sté te nosta ploania 2 agn caplan y maester ti agn 1876 – 1878, cun na novèna ch'i metun man en chësta domènia (21 de jená) cun na oraziun al Sant pro la corona dan la gran mëssa.

Por le placat dl de dla vita vègnel perié i geniturs da arjigné y porté na fotografia di mituns che é gnüs batiá danter la pröma domènia de forá dl 2017 y chëra dl 2018. An pó mëte le retrat cun l'inom tla cassëta dla posta de colonia cina ai 26 de jená. Por informaziuns pón cherdé sò, por l'uniun dles ères Ulrike 349 50 57 584.

Dan da valgönes edemes é gnü pordü n per de odlá da lí. Sce zacai i ess ciáfë preibel telefonede 348 27 44 517.

LUNGIARÜ

En domènia ai 21 de jená éi sön la pista dla liösa Do Juvel a Lungiarü na gara di mituns de döt Südtirol. Düc é bel invia a ciaré pro y sostigní i atlec ladins.

Sëra de informaziun cun la vicara dot.a Ulrike Ceresara dl Tribunal da Balsan sura "l'aministradú de sostègn" (der Sachwalter) che dëida porsones che n'é daldöt o en pert nia bunes da manajé sù afars (ince pro cosses dla vita da vigni de) y che adora sostègn, sciöche te caji de demënza por l'aministrazion dl patrimonie o da fá domandes al'aministrazion publica o sanitara o por afars de banca. Gnide y fajede ostes domandes en dedolönesc, ai 23 de jená dales 18.00 tl Raiun Sozial Val Badia a Picolin.

Invit al referat dal titul "Co dessi pa ti al splighé? – Geniturs a confrunt cun le svilup dla sessualité di mituns" cun Giuditta Sereni dl Forum Prevenziun Balsan en jöbia, ai 25 de jená, tla scora mesana da La Ila dales 20.00.

Raiun Sozio-Sanitar a Picolin : L'ofize dla portina por l'assistënza y cura é sègn tla alzada a tera sön la man ciampa da jí ite dlungia la portina da tò jö sanch y é daverta da jená 2018 inant ma plü dui iadi al'edema: le lönesc dales 13.30 - 16.00 y la jöbia dales 9.30 - 12.00. Informaziuns 0474 586 123 tratan chisc orars.

La Uniun dl Sport da San Martin organisëia n rait cun la liösa en sabeda ai 03 de forá a Weißenbach. I piun ia da San Martin dales 18.00. Prenotesse cina en dedemesa-ledema ai 24 de jená 348 91 34 168.

Por les Rites che n'á por caje nia ciáfë l'invit al iade a Cascia ai 21-23 de ma 2018 éi atira da se prenoté por telefon 335 10 19 128 o parrochiabadia@libero.it



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.01.18 – 28.01.18 nr. 8

termo da publiché: jöbia 20.00
radio: 90,40 / 93,70

3^a DOMÈNIA IA POR L'ANN B

Vangele: Merch 1,14-20

Do ch'an â sciuré Jan Batista te porjun, é Gejù indô jü tla Galilea incundan le vagnele de Dî y dijô: Le tēmp é complì, le règn de Dî é daimprò. Dede ota y cherdede al vagnele!
Canche Gejù passâ sôla spona dl lêch de Galilea, àl odü Scimun y Andrè, le fre de Scimun, che sciurâ fora les rëis tl lêch... Y al ti à dit: Gnide do a mé! I fajarà fora de os pesciadus de jënt. Atira ài lascè dailò sües rëis y ti é jüs do.
Canch'al é jü n toch inant, àl odü Iaco, le fi de Zebedèus, y so fre Jan; ai ê te barca y arjignâ ca sües rëis. Atira i àl cherdè, y ai à lascè so pere Zebedèus cun sü oras tla barca y ti é jüs do a Gejù.

Le vangele – insciö cherdunse - é parora de Dî, dita ince a nos incö. „I fajarà fora de os pesciadus de jënt! nes dij Gejù.

Mo denant ch'i aldiun chësta parora sciöche n compit ch'al ó nes dé sò, orunse l'aldí sciöche na impormetüda y na scincunda; al é val' ch'i podun ester y podun fá.



Laite odunse na gran fidënza y na gran crëta che Gejù á te nos. Al é n compit ch'al nes dá, deach'al nes arata talentá y adatá y bugn da le fá. I un pö ciáfë tl bato so Spirit che nes dá les cualités y la forza da le vaghé.

Chësc compit ne tolunse nia sön nos, deache nos s'aratun al'altëza, mo deach'i sun animá y entusiasamá de Gejù y de süa noela:

De ël orunse cunté y dles bunes esperiënzes ch'i un fat, cherdon te ël. De ël orunse cunté ince fora de dlíja tla familia y cun i compagns. De ël orunse cunté, che nes mostra n tru ch'i sciafiun da jí, che condüj ala reconziliaziun, ala pesc y ala contentëza y che nes lascia ciáfë vita en abundanza pro Chël Bel Dî.

21.01.18 3ª DOMÈNIA – Ann B DOMÈNIA DLA BIBLA	9.00 Corona cun novëna a Sant Ujöp Freinademetz 9.30 Gran Mëssa por la comunité	7.55 Corona 8.15 Gran Mëssa por la comunité	DOMÈNIA DLA BIBLA <i>I fajun esperiënzes tla vita olach'i s'intenun ch'al é iadedô val' deplü, ch'al é iadedô na rajun, n significat te dôt cant, la man de Dî che tēgn le monn y la vita.</i> <i>Chëstes é esperiënzes, ch'i ne fajun nia ma te momënc de ligrëza, mo ince te momënc de tristëza y de soferënza.</i> <i>La Sacra Scritöra nes cunta tröp de chësta sort de esperiënzes – ciamó deplü: Idî instës tol la parora y baia cun nos.</i> <i>Les parores dla Bibla devënta insciö parores che salva, che delibrëia da tēmes y dübi, che dá significat, sostēgn y segurëza. Insciö é la Sacra Scritöra Parora de Dî, mo che baia cun nos tla manira sciöche nos baiun, cun imajes y ejëmpli fora de nosta vita, aladô ch'i sciafiun da capí.</i> Tüa parora, Signur <i>1. Oh Bel Dî, che t'i baies ados ala jënt tl lingaz de süa bocia y de sü pinsiers, insciö este amesa nos ite presënt sc'i t'aldiun y t' periu confidënc y sinziers.</i> <i>2. Tüa parora, Signur, mët dôt cant te tüa löm, mo taiënt y gaiert é so tai y aslöm; ara röia tres ite te dôt y vignun aladô che de dôt messarunse dé cunt.</i>  <i>3. Tüa parora vá ite tl os y tl miol iudican sentimënc y pinsiers cin' a funz; ara é le cortel dl chirurg te n spitol: ara taia y cern por gaujé varijun.</i> <i>4. Tüa parora, Signur, che é vita y löm, che dá forza, consëi y ligrëza n gröm, no lascé ch'ara tomes secian sön lastun, mo olach'ara portes y fejes faziun.</i> <i>5. Tüa parora, Signur, ói aldí y tlamé, por ciagé dla salvëza l'amur y l' pordonn, tla conferta cun te podëi créi' y speré tla noela dl rēgn ch'ara müdes chësc monn.</i>
22.01.18 Lönesc <i>Vinzenz, Teodolinda</i>	I tignun le 2° dé dla novëna a Sant Ujöp Fr. a ciasa te familia		
23.01.18 Dedolönesc <i>Heinrich Seuse, Eugen</i>	19.30 Mëssa y novëna a Sant Ujöp Fr. families de Rita Zingerle + Maria Costalunga + Paula Ploner Trebo		
24.01.18 Dedemesaledema <i>Francesch da Sales, Vera, Arno</i>	I tignun le 4° dé dla novëna a Sant Ujöp Fr. a ciasa te familia	7.50 Mëssa di scholars de rengraz. de Albina Mischi, Pecëi a d'intenziun de n jonn + + Chiusura	
25.01.18 Jöbia <i>Converjiun de San Paul, Susana</i>	7.30 Mëssa y novëna a Sant Ujöp Fr. dl ann + Pire Tavella, Cëch + Bino Pedevilla + + Zingerle da Ghejenara Corona por vocaziuns		
26.01.18 Vëndres <i>Timoteus y Titus, Paula</i>	18.30 Adoraziun chîta 19.00 Adoraziun deboriada y novëna a Sant Ujöp Fr.	7.30 Mëssa + + + Ida, Fonjo y Maria Pezzei + + Giovanni y Sabina Clara + + + Pire, Gabriele y Linda Clara	
27.01.18 Sabeda <i>Angela Merici, Iulian, Manfred</i>	15.30 Mëssa tla Ciasa de Palsa 18.30 Mëssa prefestia y novëna a Sant Ujöp Fr. + Paul Ploner + Sepl Flöss, Anví (dla Uniun) + + Fonjo y Milia Zingerle	20.00 Mëssa prefestia dl ann + Pire Clara, Mair + Pire Daporta, Pinis + frater Linus Mischi	
28.01.18 4ª DOMÈNIA – Ann B Domënia di mas media	Festa de Sant Ujöp Freinademetz 9.00 Corona cun novëna a Sant Ujöp Freinademetz 9.30 Mëssa solëna en onur de Sant Ujöp da Oies 11.00 Bato de Jayden Paul Jolly	7.55 Corona 8.15 Gran Mëssa por la comunité 14.00 Bato de Ian Silvestri 16.00 Mëssa sö Oies cun le Cor da Lungiarü	